

靈臺縣志序



郡邑之有志猶家之有乘國之
有史也雖其體制洪纖詳畧不
同大抵考廢興稽沿革辨貞淫
存法戒足以徵歷代之盛衰見
序

一時之得失其事裁而該其詞
嚴而覈一邑之事視之猶一家
也而米鹽絲枲播植物產之宜
無不舉推之即一國也而明壞
成賦水旱氛祲之條無不備官

司守其器庶民遵其俗變通有
稽焉補採有術焉噫此志之不
可以已也按靈臺為古密須國
其曰鷄觚曰陰密曰陰盤曰良
原皆隨代易名析置不一其地

序

錯於邠隴涇岐之間意其人民
謠俗猶有三代秦漢之遺風遭
明季亂離數罹兵燹典章散失
文獻無徵

皇清在宥縣寓更絃沐浴新化

亦既有年矣閩定方黃君以名
進士來令靈臺迺首葺黌宮修
舉隆典以詩書俎豆課士以飲
射讀法教民既數年政成人和
登覽誅歌之餘慨然興嘆曰邑

序

三

而無志後嗣何觀世遠事湮時
勢不同不有興廢猶無志也于
是與邑之文學掌故耆民秀士
討求故實網羅逸聞損益時宜
叅攷舊貫勒成志書若干卷以

辨疆域奠城社稽土田均力役
則禹貢職方之編也以原山川
察庶類叙官師表人物則河渠
食貨列傳編年之體也以載醇
脩闡幽節撫遺文考祥異則儒

序

四

林文苑高士列女天官五行之
書也他如詳分隸以杜鄰役之
擾招流移以寔土著之籍開盤
口以引鹽車之利及先後條陳
凡有關於邑之興葺者皆附焉

嗚呼志也而史法脩矣黃君之
所以汲汲於斯其為慮豈不深
且遠哉今運當開闢

聖君賢相偉績豐功猛將謀臣
竒猷秘書畫耀史冊而勒旃常若

序

五

何可勝紀顧起居日錄之官未
脩金匱石室之藏缺如至議及
前代政事理亂人材臧否是是
非非可以資訓典垂殷鑒則莫
以爲迂濶不急之務究令裨

野乘居然編纂之權而褒
不公流傳失
嗚呼豈其視
天下國家之事反不如一邑之
切耶毋亦承明著作之庭未有
擴昭曠之觀弘遠大之慮如黃

序

六

君其人耳使黃君異日者秉橐
筆則其用心又豈出於茲邑
哉或言靈臺之有志寔肇於
縣巨川張公非自黃君始也
夫言有師有述而事有創

有因張公在萬曆年間紀綱脩
明文物大備雖曰作而事多可
因黃君值兵戈甫定藝文灰燼
故老稀存雖曰述而事多主創
故張公遭其易而黃君倍當其
辛

七

難張公之未脩賴黃君而始全
黃君之獨裁不因張公而後著
也先是余攝分巡事履畝過其
邑則見衆巘列秀溪流環之一
峯聳然獨峙號曰臺山邑治踞

其上臺以靈名良由此也余別
黃君詩有縣古桐清宜引鳳臺
高露迥任飛鳧之句治狀形勝
大畧可覩黃君因和余詩併鐫
入密須誅中乃知勇於譔著如

序

八

此固宜是志之越前賢傳來禊
也余又何幸託琬琰之編共勒
不朽哉

皇清十有五年戊戌春三月朔
欽差整飭固原兵備道陝西按察

司副使前吏科都給事中進士
第豫章未徽遂初氏時

予告南還先二日拜手書公署之

安雅堂



序

九

靈臺縣志序

古聖王之治天下司民協
孤終司商協民姓三載考
績則諸侯負版以朝王乃

序

念敬於衆衆冕臨軒以受
之十年令戶版以登民數
三代而後惟漢近古爰稽
其制郡國計吏先上計于

太史後以其副上丞相御
史誠以生民之寄可必與二
三司牧者按圖共計之自
昔然也後世稽古制治代

序

二

不一規大極冊府重精微
職方按輿考叢至省會州
縣非各有圖誌則何以存
憲綱重保釐也余以司空

卽出守朝那值我

清定鼎之始於時草創百
務苟簡樂翼仁賢博洽之
儒相次登舉而靈臺黃令

序

三

英年甲榜來蒞茲邑敬能
以忠善損怨狎其民人行
之三年而政不擾民不偷
且各盡其力也乃進邑士

民相與考正風俗詳核故
典刪畧繁蕪編摩簡勁就
舊誌而增修之書成乃就
正於余余願讀而歎曰美

序

四

哉洋之乎殆昔人所稱贍
而不穢詳而有體者乎此
正余向欲與諸賢相次釐
舉之至意也于以下備冊

府職方之考上報

聖天子賢相之求皆可按籍

而得矣因忘其蕪陋并言


于其端

序

五

中憲大夫知平涼府事大

興李遇昌玄感父題



靈臺縣志序

不穀風池從戊申二月承乏茲土入靈即問志成曰縣從來無志止附府三葉許遂私心病之每朔望談及此關乃師友即懇余為創余產身繼以內習聞克儉之風立不憚此之為費哉第有益則率費勿憚又率費在官勿任民也遂以是編學翰與弟子員余顯敬性寡昧憚督率或決之為勞耶乃謹就師生彙復搜故實益新的會源委稽異同酌豐約剖疑似綴遺漏紀載有叙得夫有論分門別彙撮要採精始頗頗就勝然總之以實嚴實弗法而格弗敢廢重脩靈臺縣志序

是故徵茂宰治績而欲慎實徵山川巨麗而形勢實徵泉朝人氏考而忠孝節義實以至氣運災祥民情榮悴暨種種科條無一敢以風影在胸臆邀巨員趨太阿而以失吾實也自是千百世後一而古而考實能不以吾筆為慰乎若按吾實而考吾華吾明能華志成乃進士民而謂之曰是志之創也獨備爾靈之文獻益爾靈也將使有其教爾者因材質之宜為啓迪之術可以作人矣有其牧爾者蒞剛柔之習遠實猛之方可以立政矣即時而有觀風爾邑者聽淳流之音盡節宣之道所以責俗矣行將士習民安

風淳俗美謂不秦山增礧濟水添綠者未也所籍益于爾
靈弗淺也費之宜也卽捐俸吾奚憚焉明萬曆三十七年
夏五月靈臺縣令夏縣巨川張鳳也撰

重脩靈臺縣志後跋

邑侯黃公重脩縣志事竣余取而讀之其事則
利濟激揚其文則雅藻典核余愧樸陋無文值
此曠典脩舉能不颺言簡端以誌其槩乎竊惟
志也者匪徒紀載事蹟以備觀已也蓋有大義
存焉夫靈邑舊無志自前邑侯張公博採故老
摺撫遺蹟纂輯成帙奈兵火之後典籍殘缺散
重脩靈臺志
後跋一

亡求其有關政治有裨民生者闕如也公以班
馬雄才建卓魯事業六七年間切切惟撫字黎
元剔弊釐新是急有以脩志請者廼謙讓未遑
焉迨

上臺徵志方殷爰取向之購得殘編細加增脩
浮泛者則刪之闕亡者則補之圖方輿見靈地
之曉瘠也譜風俗昭靈民之拙朴也志田賦重

國課念民依也志人物節義扶進人材廣勵風
化也志災異恤民也志古蹟僑遊存故跡亦以
紀勝槩也纖細必據實錄微末確有摯意一展
卷焉大義瞭然目中矣况我靈邑男無商賈之
息女無紡織之勤桑綿之務未聞材木之利用
殖地方之寒苦生民之困窮此尤志中隱寓其
意以備觀風問俗軫恤民瘼者之採求焉詎曰
重脩靈臺志

後跋二

紀載事蹟備覽一時已也

公愛靈深心用是昭垂簡帙永示奕禩矣

邑人前陽敷知縣于凌霄謹跋

靈山志後跋

儒者讀古人書其時其可瞭然如昨
猶夫望山覽勝象美環列死目見
不悉矧立德立言立功爭噪古甯代磨
把印盤錯而器利益見此覬燿於古
今上下之間其乎系

長溪黃公自壬辰以蒞任或曰靈之沉痾
後跋

也而今也愈亂孫也而今也理致我靈明
躬原編二十里戶口殷繁越崇禎末兵
荒形仍及

國初初與尚書以系分之一而六載于茲
三丞抵四集駿：起色洵哉其愈之理之然
悉其地始悉其勝讀其書始悉其可者
不僅於古人為愁百丁酉秋杪 淳甫

金臺抵家方獲之自好于晨夕在室以教
承之餘步樂郊旋其堂因才沐化之月
即叩以穿簾生金所自而來

公性曰嗜固且炫五色即叩以金玉就白
典業表西極叩叩以意如然基而系

公亦性曰嗜功而取色殊志教帙授淳文

功而亂乎之新志法務授淳且保淳亦

後跋

有事參致以嗜其表淳子以年之柳所

以表女羞益不止淳也待昔志所載山川志

蹟令人望離山如夢其上也未獲蔭晴

璧冥時而有人之傳也以法令人極遺書

搜殊碑以望臨所難而志法之傳也以言

于官師名官以器以張績越富得深香

以來涉君子以是風世深及民此鐵

泚水錄而志述之言之傳也必不遺功
且昔志畧其詳之如忠孝節義災
祥諸條祝壽精誠誠感富貴貧賤
所與天地不轉而何到誌志


因家太平之微勿分區隅也又昔志
弊而今有看弊何也夫昔也到弊
教見此效而思從志與利不究其
後跋

除害必勇其根今到者款而更得于昔
示嗣此其志如也為到不如法也為弊也如
昔志多鋪張治績而系

公於凡有新舉則輒屬之示稽實也
噫志教淳至矣而新志教不止淳由之
道有然而與起其端自其實淳而特
曰誌其書尚學庸於志人爾也

者

順治戊戌季春邑人後學楊淳謹識



後跋

四

補遺

疆域 靈臺東界邠州邵寨六十里 東南界麟遊天堂鎮四十里

西界隴州界牌溝一百四十里 西南界麟遊夾八寺五十里 南界

麟遊閻王殿三十里 北界涇州盤口六十里 西北界崇信白石

鎮一百二十里 東北界長武棗林四十里

山川 縣北四十里曰後川河乃華亭匯泃水南支橫渠良原赤城東至亭口入于涇

西五十里曰姐巴川入于達溪

古蹟 古密國周共王游涇丘密康公從之即此 陰密城文王伐密即此漢為縣 鶉觚

城接邠州界秦蒙恬築長城時以觚爵奠祭有鶉集觚上因名

補遺靈臺縣志

陵墓 晉皇甫謐墓在縣東北十里張散家壘原上

官師 宋張希遂太平興國中為邑令有能名 趙允中有政績拜監察御史 王箴熙寧

中建學 張璉 梅季南俱宋時為邑令 金趙得享興學校有政績 元張匣

八都 尹靈臺有德 盧克昌 姚脫銀 章資因清虛子創脩水磨 范

叔序金時為主簿 魯師顏明洪武三年任縣丞頗著事功

人物 漢皇甫規字威明朝那人舉賢良對策梁冀忿其刺

已下第幾陷死拜中郎將討平先零黨獄起耻不得與上

書自訟遇赦歸遷弘農守以文章名世

皇甫嵩字義真規之從子以冀州牧討平黃巾封槐里侯

成名震天下累遷太尉折節禮士諸豪傑爭附之

詳其定名宦

晉皇甫謐規族子有從姑子梁柳將之郡或勸謐餞之曰
柳微時過我送迎不出門食不過菹菜今餞之是重二千
石而輕梁柳非心所安

唐牛意仁丞相張九齡序銘曰公諱意仁字行恭殷後有
牛父者宋大夫邯鄲為護羌校尉崇為隴西主簿因官安定
爰處鶡觚為郡人公之族祖奇章公隋宗臣天下稱之大
父通秉志守道交辟不起父會弱齡早代公考槃丘園屢
空晏如或勸之仕但咲而不語開元六年隨子西征就養

補遺靈臺縣志

終于伏羌官舍時年七十有六冬十一月歸葬北原夫人
同郡王氏先卒有子仙客官銀青光祿大夫太僕卿判梁
州持節河西節度使兼隴右群牧支度營田採訪處置使
攝御史大夫隴西縣開國子以子貴贈公使持節涇州諸
軍事涇州刺史夫人追封太原郡夫人銘曰隴上多豪山
西好武使君貞獨幼不斯取惟道與徒與代立勉善有餘
慶風亦變古不學而知不行而主跡有相混名無自異出
入百年終始一意福流于後神胡其事行止於身用存玄
體厥子嘉績中朝緼禮印迴隴遂門重旌繁寔人之墓今

同郡邸

牛僧儒微時入都先以詞賦謁韓昌黎皇甫員外因謀所居二公曰某廟院可復曰某日可遊青龍寺薄暮而歸二公至期造訪大書其門曰韓愈皇甫湜同謔不過翼日都名士競往物色各遂振

明史書治春秋精三傳啖胡諸家之說授山西陽城知縣年未三十大猾路省祭輕之其居暹縣縣儀門圯知縣新門路之妾借婢公取廢木入其家使巡官執以來路及木隨至厲聲曰如許木胡足索也知縣曰若吏乎曰吏爲官

補遺靈臺縣志

三

曰讀律乎曰熟律曰常人盜官物徒乎則默然比吏隸案治筮死之闔縣皆驚省里甲貫小罪以代其費徯賦如期咸集邑人郡御史揚公繼宗少許可獨敬重亟稱之名大振再知平山民朴樂其清邇治以無事吏部徑取爲屬歷考功主事員外郎以材長治郡擢守保寧視事九年郡人服其清年四十得末疾遂謝政歸臨惜其廉顧郡庫羨金多令鈎考而陰以其羨爲知府終老計竟不顧而去歸家數年卒父史鑑貢府學任河南陽武縣丞子評詳傳其經評爲太學生詳登辛酉舉人俱未仕而歿猶子誨歲薦任

河南按察司經歷

節烈皇甫規妻善屬文工草篆規卒董卓厚聘之妻罵曰君以權奸毒害天下猶未足耶皇甫氏爲漢忠臣君其走吏敢行非禮卓怒懸其頭庭中斲朴交下妻謂持杖者曰速盡爲幸

以上數則或見於府志或傳於輿記皆彰彰可攷者迺前志未詳足見寡陋身鄙居中不敢自文其過謹補錄於後以備觀覽焉

靈臺志 目錄

卷一

方輿彙

圖考

星野

風俗

古蹟

沿革

疆域

山川

卷二

建置彙

重脩靈臺縣志

卷一

目錄

城池

堡寨

公署

文廟

壇壝

祠廟

寺觀

烽墩

郵舍

陵墓

街坊

倉場

卷三

賦役彙

戶口

田賦

徭役

物產

利弊

卷四

秩官彙

官師 名宦附

武備

人物彙

薦舉

科第

武階

封贈

貢士

鄉賢

重修靈臺縣志

卷一

目錄一

紀蹟

孝義

節烈

遊寓

仙釋

災異

補遺

恭文王伐之爲周地武王封密共王遂號國至秦家恬以

鶉立祭觚置鶉觚縣屬北地郡即今寧州漢武帝分置安定即今

涇州爲陰密陰盤三水縣地鶉觚仍屬北地郡東漢因之魏

晉爲鶉觚陰密二縣俱屬安定而後魏則爲隨平郡之鶉

觚平涼郡之陰密平原郡之陰盤後周割鶉觚地置三龍

縣于岐州隋爲鶉觚陰盤良原縣屬安定大業元年以安

定鶉觚析置始曰靈臺是年又置良原縣二年省入鶉觚

屬安定唐天寶二年復置仍曰靈臺安定改涇州彰義軍

節度屬關內道領靈臺良原旋置良原軍李茂真置靈臺

重脩靈臺縣志

卷一

五

軍後唐廢靈臺軍以復縣屬渭州今平涼宋太平興國元年

屬彰化軍即彰義咸平四年屬秦鳳路建炎四年沒于金金

仍爲良原靈臺屬慶原路哀宗時沒于元元至正元年以

縣省入涇州十一年復立以良原省入本縣而以長武仍

省入涇州元末李思齊據鳳翔命萬戶丁處守守之明洪

武二年思齊納款處守遁去邑人王均禮率衆歸服仍舊

名隸平涼府

大清順治元年平西王入關李闖遜迹平屬盡入版圖仍曰

靈臺隸平涼府涇州後以涇州高家凹所募夫借名屬邑

板靈應站州差入靈詐害民不堪命逃亡過半知縣黃居
中於順治九年泣靈細詢民隱乃比莊浪隆德例呈詳
院道批行申飭以靈臺隸府一凡文呈俱不由州民始
星野

雍州分并鬼之野界于參柳靈臺屬雍州爲鶉首爲天獬
疆域

舊志曰疆域定民止也靈臺間于邠隴涇岐東南北僅
數十里獨西二百餘里爲界分守已定乃藻史云有分
土無分民孟夫子謂域民不以封疆之界政如西伯善
重脩靈臺縣志

卷一

六

養老而民歸之也事斯土者宜時爲之

靈東西廣三百六十里南北袤二百二十里東抵邠州一
百五十里西抵隴州二百一十里南抵麟遊一百三十里
北抵涇州九十里東抵本省四百五十里抵

北京三千里原編里凡二十

南北東西下良中良上良廓下上橫渠下橫渠上白石下白石

上景花下景花上隆安下隆安上合穎下合穎邵寨在城村落七十有四
景村高岡許家塔村社塔車村以上南里
荀村丘社中原途店白峪以上北里
楊店鼓頭小村栢樹以上東里
毛村北庄喬村晉家以上西里
邵家郭馬麻子以上下良
董店寺頭松栢屯田以上中良
留店焦店右集以上上良
城家甘樹以上廓下
黃花賀家流谷寺谷以上上橫
牛宅官村娘娘廟以上下橫
橫川張家趙家小岳頭以上上上
白趙店土橋頭大庄大會溝小會

溝以上下白鄭家柳泉

以上上景彭村北渠義平石村楊

村大明黎家以上下景

村通氣楊村里相黎窖以上上景

豐泉范家葬子三教以上

下隆北谷寨坡白坡以上上合

恩賢駝驢嘴以上下合

邵寨鎮東五十里一石塘鎮西三十里百里鎮西五

鎮十四

十里什字鎮北五十里西屯鎮北三十里良原鎮

西一百里

官市鎮西一百一十里岐口店東二十里橫渠

鎮西一百三十里

樓子店西一百里上良鎮西七十里新

集鎮西八十里

龍門鎮西一噫此全勝時也兵燹之後繼

百二十里川口鎮東五十里

以奇凶或流亡或逃絕十室九空惟荒烟蔓草而已詩曰

靡有孑遺殆有甚云

明崇禎十五年知縣賈汝棟檄湊六

里曰城南北里

南北在城為一里曰西良隆里西里下良上曰二

良景里

中良上良下曰廓順里廓下上橫下橫為一里舊

重脩靈臺縣志

卷一

七

居中十年招撫史繼川勦殺大盜乾骨龍

今始寧靖以橫字不可為訓更名廓順曰變白景里上

下白上景

曰邵合里上合下合邵至村落集鎮已經全廢

為一里

清十餘年休息加之訓勸招撫始復六鎮曰途店西屯什

字鎮上良鎮東朝那邵寨鎮

風俗

居按風俗之美由於教化之興古云文翁變蜀何於靈

獨以頑魯稱耶蓋當亂離奇凶之後死亡過半地瘠多

荒謀生不暇苟且為計故教化未建而禮義廉耻之維

一二或闕焉居中數年以來招流移墾荒地建鹽廠通

商旅民始歸業復爲之別嫌防微有踰越禮教者必以
法屏之崇尚廉隅者仍以禮獎之今雖村野之區俱見
蒸蒸向化重禮義而黜文雅耕讀不輟則風俗之移易
是在司土者之責耳

周禮職方氏曰安定北地上郡隴西天水金城從古儉朴
靈乃安北二郡之區人性質朴風俗儉約蓋地瘠民貧地
不宜花而家無餘積男不商賈而女不織紡一槩公私之
供用止賴三農且山多川少高原苦亢旱風霜河漕之傍
又多水衝砂壓大率十年之內難獲一二之豐其人本性

重脩靈臺縣志

卷一

八

不能爭捷巧而但依耕讀爲勤亦可謂知本務矣若禮義
厚薄不一而文雅多出士宦獨喪祭之禮多崇厚道至冠
婚等類亦得已而已不強加厚其居室野處者倚岨掘穴
城居者土墻瓦蓋並無磚砌粉壁之餘惟鄉大夫稍工于
庶民衣服絲綿布疋俱出別境靈民以粟易之制之甚難
間有服絲綿者卽士大夫亦不一二武藝在古亦有以
武決科者邇雖不第而民亦多好武藝有敵愾未必不爲
緩急需也

山川

舊志云今人覽勝咸曰陟太行遊龍門登虹龍溪巨壑
乃稱勝予謂山不在高水不在深取其名與靈斯
四山鵠峙兩河夾流其他聳翠蛇繞者不啻縣治圍
西虎麓東龍灣璠踞旋繞地稱靈矣其為人所傑彪炳
累朝忠貫日月與夫英標振耀重光奕葉未艾非山川
靈秀所鍾也

臺山卽縣治北山多奇木異鳥甘泉秀石而荆花九枝

荆山城後通大路緣脊頭而下大損風氣須脩補之

政胡松詩翩翩羽檄遞相催漢使星馳逼古臺城倚川流
深自抱山連闕隴曲全迴天王南面垂衣聽雜寇西邊

重脩靈臺縣志

卷一

九

地來但使忠賢齊力不愁戎馬亂喧喧明巡道姚孟昱
詩問俗驅車苦自催乘風又上古靈臺山徑迢迢雲外
川流滾滾望中迴括鳳絕響嗟文浚竹馬歡呼借寇來
余謨略非韓范猶喜天驕未敢慙邑後學楊厚詩日煖臺
山志勝遊郭城舊址滿荒丘野僧隨步覓殘篆獻老陳言
指故樓繚繞雲光餘翠碧迷離峒岫任波流不知幾許昔
來事鶴語蒲川古渡頭邑令黃居中次韻斜開仄徑亦堪
遊翡翠芳花設古丘雉堞鳥飛連北閣鼓鐘雲過動南樓
誰將煉石縱天闕漫擬尋山桃水流遮莫臺城風氣好
看躍鯉上灘頭闕後學蔡華聯詩高觀巍峩瞰遠峯密城
自古一花封山從北落堪騰鳳水向西來足育龍理草
栽千歲閣瓊禽飛舞萬年松爲尋泉石供遊玩獨步猶憑
一杖

蒼山縣東南二里栢林蒼翠蔚然可觀故名蒼山之東卽

白雲仙洞丹壑萬仞延脛漸底約三里許拔首而西如龍

蛇狀謂之龍灣

明令張鳳池春色詩蒼山砌下錦為茵

畚又一春明邑舉人王九德詩一元無處不陽和

山分得多柳艷花濃生意滿禽聲嬌宛一笙歌邑令黃君

中迎春曲蒼龍一夜度寒關烟雨東來下蒼山願為執

莫等閑莫等閑爛豚首白蘿葡三杯酒又詩掩映鴻濛古

密壩秦關迤遲一泥封蔭生石壁芽生紫柳展沙堤葉展

穠借問蒼森千歲栢今聞城郭五更鍾遲遲誰是好遊客

日暮雲飛有老農邑後學楊淳詩墨跡傳來近古壩山前

荆栢比花封龍灣紫氣騰光郁仙洞白雲藹暮濃遊莫寧

清崗上笛任教蕭索寺傍鐘水心不敢同流水底事慙勤

問老農姚祖舜詩一望蒼山似錦羅翩翩野興映派波含

烟新柳嬌姿嫩帶露芳花色咲醜澗澗水聲頻蒼送山高

嵐氣正迎多春光此處最幽勝故捫薜蘿謾作歌邑教諭

張璿詩峰頭分外見輝光曉蒼遙比昔年今

有脚喜看花木滿山芳閩人蔡士綺詩蒼嶺春風景物育

碧空烟雨遠相宜聳開密國群峰拱環抱達溪合水瀾古

栢翠林移殿植白雲丹壑動人思登臨聯賜情何已坐挹

重脩靈臺縣志

卷一

十

龍灣問
酒卮

隱形山縣東北一里許孤峰突起日中無影

一曰在六月六日蒼

松古栢連抱叅天舊有雲寂院誌公臺今俱廢圯山麓有

泉味甘氣馨因名香水

明邑人牛化麟詩隱形秋盡百林

未散竹窓僧去月猶明南來野水魚龍遠北上山空虎豹

寧漫憶山川風味好古公遺化重鄉評明邑舉人李崇教

寓隱形禪堂詩生平真不喜塵喧終到雲林意便閑點地

六飛輕翳霧漫天五色揚翩翩薰人酒物村腸鉅撩客詩

詞景界寬况荷高明勞枉駕不妨永夜話禪軒明邑論崔

汝秀隱形午日詩律中挺實適姤時羲和投駕照無遺隱

形何事孤峰時不與群山逐影移邑令黃居中九日詩東

山何似龍山勝九月登高落帽來斗米寧堪腰欲折團糕

可令臉迎開酒如河水常沾飲菊滿山花不任裁戲馬知

非今白事聊將風景表靈臺又開道白衣送酒來愁顏偏

作咲頰開重陽喜晉采萸佩密國無憂鷄犬災又誌公墓
和韵日影山頭隱留餘古刹堂千山月靜照萬禩草派芳
法妙醫蛇苦道深走狗皇脫遺何尚在栢樹覆窰傍邑教
論張璠詩耿耿晴嵐萃太和天中拱照影婆娑當前瞻景
無冬夏不必勞揮魯子戈崇信廣文古獲孫技蓄詩偶然
緩步東山來古洞無人獨自開戶外殘碑入野草峰頭老
樹映蒼苔薄官機少隨適與爲政心開任徇徇仙大至今
相向在祖師兀坐認靈臺邑隱士揚貢垂詩聞餘徒步隱
形山寺圯雲深石畔閒月下不來僧叩戶池中尚有鳥飛
還苔分細檢隋唐字眼望平臨秦漢開却飛紅塵埋野草
祇留香水日潺湲邑人教論姚三英詩梵宇幽深夜已闌
僧房寂靜磬聲寒清風忽送天花落貝葉翻來月下看邑
貢士苟天禎詩巉嶮幾接天花落貝葉翻來月下看邑
銀漢觸星斗朝摩碧落戴雲煙日光惟有孤峰峻月照那
知雙壁連可惜梵鍾隨
野草獨留老衲洞中禪

離山縣西南二里狀如象形面北有至定寺乃僧儒之別

重修靈臺縣志

卷一

十一

擊也

崇信廣文古獲孫枝蕃詩荒涼招提境誰是讀書人
寒月猶傍戶碧流獨繞林此方多勝槩我輩一登臨

惆悵千年後相知老樹深邑令黃居中和韵一過南山寺

相邀問古人野鷄飛入屋原鹿走穿林婁寂添秋思晚涼

起眺臨故園墻壁圯樹老植根深三英詩春日携琴韞

駭遊馳驅梵刹景清幽峭巖千仞雲生岫淥水一波紋自

悠樹裏和風滌俗障花邊鳥語喚玄脩登高作賦多佳興

日暮徘徊不忍休典史任大重詩城南別墅自初唐傳說

賢人奮跡堂野鳥猶歌千代事山花頗吐六朝芳曾知經

史能流馥誰說嶰巒有寂涼歲久臺牆遺地礫殘碑斷碑

貢餘香邑貢士苟天禎詩至定于今幾代年森森老樹籠

閑禪蒼顏不逐寒時改翠色猶含曉曙妍實結圓成誰証

果花飛颺落法機詮始信菩提原有種植根不與俗人前

邑後學揚淳詩片雲山月照離邊云是唐人別墅巔北渡

小橋分曙色南臨深谷聽流泉雨煙隱隱蒲陽樹櫻黍青

青密國廬十萬誰更我澹若而倫獨動帝泫然只今步入

半山畦四望嶙峋草徑迷棟宇何年學日月比丘奚自布

金泥經秋孤老疎僧語移代碑零惹墨題相業文章應未

杉尚留銀
杏掛虹霓

虎山縣西北一里許古有大清觀

廉山縣西九十里出舊良原縣有靈山之義乃涇州主山

馬鞍山縣西北三十里

保巖山縣東南三十里左右前後九峰周匝一名九頂峰

巖出其勢峭拔圓旋古折上覆庵宇亭臺望之如畫其下

有瀑布溫泉邑令黃君中詩東南保障九峰山周折紆迴

瀑懸楚練垂珠滴泉湧密城擁火瀑亭樹于今留瓦礫層

巒雲掃碧空閒邑庠生楊濬次韻三峰三出比華山斜峙

金湯古漢關帶翠青松迎曉日披雲飛鳥覲龍顏旅回陰

陰瑤臺址瀑布溶溶綠水潺潺履蔭蒼苔類有跡登臨端不

重脩靈臺縣志 卷一

十三

鳳凰山縣北一十里其狀如鳳俗謂之上山邑令黃君中詩高

宕落翅如開騰舞君看是鳳材咫尺岐山鳴過後飛離梧

竹下靈臺邑後學楊濬次韻突時新峰向日開光騰兩翅

俯群材飲龍川月號嶽
枯爭似吹簫上鳳臺

書臺山縣東北五里隋皇甫玄真先生讀書處也為靈之

一勝明邑人姚惟競詩金谷園中草木荒竹林風月一空

忘繁華富貴渾如夢惟有書臺萬古芳邑令黃君中

詩靈臺無異境玄晏有山居足信古人志不為慕祿須先

陰一逆旅天地成遽晉唐更幾代野僻志遺書人生寧
萬歲所以嘆聲歎邑教諭張璠詩隋氏河山久幾更尋追
古跡仰先生孫樓荆架今皆往好鳥猶傳誦讀聲邑後學
湯淳詩蒼左突峰出攀蘿憶舊穴臺高三島岑路曲九廻
折鳥跡絕遺書猿聲啼案雪窺星藏野狐弄月傍奇峰巖

世無知心頗來帝聘節一瞬促古今八荒小蟻垤裁成兩
露深何妨柳門閉但問自周秦後先幾野列滄海共桑田
癡革幾經閱皇域未千年奎井啓賢哲紫陽邵洛廉薪火
誰傳訣此日餘苔痕踈涼斷足轍溪流無已時仰止我偏
切窓戶渾如昔螢光猶煜微草青添墨色風怒助鳴咽石
窟老龍吟指顧有人說姚門祚詩孤峰千仞邁塵埃此日
登臨仰三台水色長凝翰墨色峪聲時通誦聲來穿霞
莠翠迎人笑樹月藤蘿入坐談借問先生今曷在文星夜
夜映書臺

達溪川縣之西川也自隴之五馬山發源至邠之梁山入

涇邠志謂梁山黑水卽此邑令黃居中詩黑水志梁山發源汧隴間入涇流尚遠過密邊

成邊古有磨輿利今何沙作瘼情勤人自別山水漫相開邑後學楊淳詩達溪源自隴城西波瀉紆回色帶鷺獨是梁山十載事祗今甘露萬年畦灘頭蒼翠鳴槐柳水底魚龍振鼓擊莫道夾流輦路少周王曾與泛輪蹄

重脩靈臺縣志 卷一 十三

蒲川縣之南川也自鳳翔分水嶺發源夾蒼隴而出與達

溪合邑令黃居中詩川流望不斷鳳嶺一源分夾合蒼隴際火木映波雲

小庵川縣南二十里自麟遊大賢里至川口與蒲水合

三女川縣西九十里昔周共王遊涇密康公從時有三女

奔康公受不以獻王其母曰獸三爲群人三爲衆女三爲

粲粲美物也而何德以堪之王猶不堪况爾德小醜乎康

公不聽一年而王滅密三女西奔死之明邑訓邵保詩三女奔來密已衰康

公何德以堪之當時不聽慈憐語殘炤荒城烏雀悲邑令黃居中詩三女來奔日康公棄國年乃今傳美物猶自以名川崇信縣庠生楊洵次韵尤物志亡國相傳不記年甚憐何所取鷓鴣泣前川

冤兒川縣西二十里

後溝源自景村經縣東北流入達溪其水甚甘一邑食之

靈邑四境皆山有此甘泉信屬地德邑令黃考中詩密邑騰真氣消派亦可餐

注茲藏地德把彼勝江干却喜源深淺何愁練短鞭香泉皆用汲一曲有琅玕

范家溝縣西北流入達溪其水亦是一方之養

三香水縣東十五里源出鱗遊縣東亦名三交水而入共

食之邑令黃居中詩聞鱗有醴泉此水不相懸豈果源流一三香所自傳邑庠生楊演次韻芳流十五里瓊液

自東懸任步覓蘭蕙非因名異傳

懸泉縣西一百三十里在橫渠鎮川石崖數級上覆如幕

重脩靈臺縣志卷一

十四

有泉由上分股注下大者若王柱小者若垂絲或珠簾或

蒼苔兩至歲序入臘冰凝奇恠諸勝尤備明邑人李維詩一泓清冷自何年

破山根地脉穿今古淵源流不斷沃焦敢與助涓涓邑令黃居中詩長巒谷口倚誰家峭壁懸崖百仞餘足踏層巖

收石窰手承瀑布摘菴花邑教諭張璿詩天然一派湛源深取用無窮冷爾潄漫說虎泡龍泉景也邀明月映波心

崇信縣學生楊止次韻斷崖翠巖俯千家珠瀑淋漓歲月餘流達崆峒香水滴源開牛斗近桃花

細川水縣東南二里上流與蒲川合

古蹟

舊志云古人往矣其遺踪顯跡有必不與俱往者在嗜

古者宜留志焉蓋慕古齊則重首陽高子陵則珮春岳

按遺趾以思模楨之盛觀屯制以壯卑騎之勇窺垣舍以想素臣之風其他若朗誦於團丘九轉於雲壑形隔異世踪履如新班班可考若盪垂而鼎峙也余覽品題倣豪興繹玄趣知與草木朽者古人之粗魄血骨至其精英粹氣實凜有生氣况文章道德事業尤其歷萬世而靡窮者也語曰物常聚于所好周時玉尺往往得諸田父之手而索者顧失焉泣玉耶絕絃耶豐之劍而鹽之驥耶所謂知者不遇遇者不必知余固炎燥嗜古者悉錄之以爲後人法不然世無字郎誰識爨下爲何物哉

重脩靈臺縣志 卷一

十五

陰密城唐真元間武康郡王李元諒築即今百里鎮邑令黃居

中詩古跡密城夾泝水康公元諒建其趾三女西奔嗟繁功成一將勝多美于今露冷春風草鹿逐鷗飛蒲層道指數當日舊垣墉猶有樓臺幾十重邑教諭張璿詩斜陽古道自東西觸目荒墟不可提三女川前餘草送迎殘照每含凄邑學生楊貢金詩唐築密城傍密開兩城兀自積青苔足交餘瓦識今古話動眠鷗鷺去來料馬臺前迎旭日康王宮裏幾傳杯土人不託當年事想像雄風保障才

料馬臺即陰密城之西山壁立千尋北俯達溪南望鳳崗

極巔則潤平數頃而古木流泉周圍畢出時爲攬勝者所

棲止相傳李元諒曾料馬其上因名邑庠生楊灝詩何年料馬着臺名臺在深

臨古密城遍俯群峰空紫極寒烟流帶白雲繁邑學生楊叙詩登臺覓古蹟萬里碧雲平樹影秦關月鷹飛漢塞雄

降旌雍地形壯密城好宿
縣蒼松兼翠柏多建濟唐生

良原城即良原鎮亦李元諒築

邑令黃居中詩良原城
西鄉隔馬留唯山蓋渠皇

駁水流廓順駁當時雲屯屯今日草蕪蕪
羊作農夫地喝呼待一犁
官宰牛揚首壘詩良原城外東流水
常委碧澗

朝那城縣西北九十里城趾不存惟存朝那洞環窟之民

尚賢於于此以為東朝那市

邑學生功得詩若入朝那地
古跡留流壁城湮鳥亦歸洞

廢風還掃猶有傍之民往來非舊者
治酒和野歌貿易栖芳草河代建樓臺
古今同隄隄調平千里日信是長安道
與史徐大經詩風敲野草動姿姿
隙堆成長薛藁漢世繁華誰與見
荒城猶是朝那

重脩靈臺縣志

卷一

六

白雲洞縣東南一里元清虛子練道溝也為雲之一勝曰

仙洞白雲

明邑人郭積浩詩誰繫昆崙一竅天神呵鬼護
幾多三脩真養性白雲子不與塵凡共往還

仙人住大羅山呼嘖嘖
鐘分瑞色七函葩蓋亭亭兮風舞
梅蘭清瑞峻嶺兮不斷之藩澗
草石花兮蒼落之天主人

清虛兮蒲庵大繁諸真養性兮寄
闕華嶺非大行之盤谷今豈武夷之
森源似壘池與闕風兮儼玄關
美芝瑤臺赤城兮蒼太華鎮鎮終南
柳博邑之羅浮建島之降

總其間氣之緇石而起兮宛橫空
之素練雲霧之山城軸今屬乾坤之
自然恍銀河之沈混兮麥世寄雲
霧節分九區七還吊此奇蹟兮慕爾
立軒蟬脫華家兮雲月

受嗟乎俗士兮攘攘熙熙至人造
物兮獨與道俱參人皆迷兮與世
浮沉真人淡漠兮修德長披以存
洞兮其空留與此際色令黃居中
詩白雲飛車是仙踪古洞無人掛
夕霞與白子今留許跡何離離我
松峯生強祖孔次前出溪一徑傍
人家莊

深處隔塵凡清虛老子如歸去洞口飛臺繞碧崖邑舉人
于夢霄詩尋得泉林趣時登蒼巖巔雉城遙一望鳥道遠
三旋風靜尚聲嘿雲歸洞口去山花香撲袖兩腋覺翩翩邑
教諭爾國學詩喜共白雲遊追尋古洞幽採松茸可食辟
穀氣爲脩不識清虛子猶憐凡
俗儒會知稽叔夜兩卷素書求

丹陽觀縣西三十里馬丹陽脩練處也有蒼松古栢石記

尚存 靈臺距縣治西約三十里許有觀曰丹陽真人脩道
境也丹陽姓馬氏名冠號丹陽其先祖本扶風茂陵人馬
滕大夫之後五代末避亂東行迤邐至登州府寧海縣遂
家焉遠至真人家貧鉅萬號馬半州於大金大定八年出
家其事載在七真集可考與妻孫氏并拜重陽帝君爲師
君姓王氏名壽自號害風有弟子七人立劉譚馬郝王孫
丹陽爲首帝君於其河遇至人授以秘訣五篇三年而道
成於是授於丹陽真人真人欲尊載其師頂作三髻以象
焉蓋壽字三吉也住持劉公崇陽譚崇正徒趙致成咸陽

重脩靈臺縣志 卷一 七

安業人有志於道於正德戊辰歲杖策遊歷名山叅訪至
人見此勝境遂居焉年代既久殿宇不無曠壞劉公慨然
發心率領弟子等募化四方善士富者施財貧者施力願
樂爲之工始於嘉靖辛丑三月四日落成於四月八日不
四旬而三清殿玉皇殿真官殿鐘樓山門煥然一新非若
公之德行素孚於人者能如是乎徵文於余以垂將來余
以不敏固辭再四而不獲已遂以耆者之言直錄於是以
紀歲月云爾邑令黃居中詩勝地遊來滿眼春虬龍古木
暗迷人獲道深徑野風起苔蘿着雨淨如水夕陽西掛三
十里霧靄雲昏罩天地荒草卧碑覓殘篆琉璃瓦片塵汗
泥間風安期去不歸道遙將欲制縶剪邑後學場亭次韻
拾翠尋芳拂袖春莖花撲錦正撩人嶺外層巒突兀起敲
金酌王玄珠水蔚藍碧泛三千里排插五雲色橫地着蘿
躡頭魚魯篆穿荆何惜衣衫濕山際攬勝絕忘歸手探月
華疑自剪邑貢士荀懋勳詩數里雲峰草徑涼傳云仙跡
古丹陽路盤崎曲人何少樹老參差鳥不忙熾宇灰頽餘
薛壁山禽嬉戲息橫塘乘閑蝶蝶蝶藤日惟問寒煙幾度
霜邑訓導胡養正詩脩煉非閑地丹成松栢蒼琳宮生紫

腦清汲養黃梁遥指雲飛處相傳
衆妙場平原聊一瞬十二色輝煌

郭子儀祠舊志云昔縣令譚嘉禮欲復其祠施銀六兩令

屯人創脩之嘉禮卽陞而屯人侵匿明萬曆三十七年

縣令張鳳池曰稽古史稱天寶末盜發幽陵郭子儀自

朔方提孤軍轉戰其忠貫日月神明時鑑于是築其墻

圍重復廟宇成先令志

縣西三十里西屯鎮子儀遺將白元光破吐蕃屯兵處也

遺趾尚存

爾學訓邑人楊可教百字令霓裳驚破嘆羯胡甫定觀軍容設解體籜籬又戎馬乘間長驅犯

關義膽忠肝英謀神武肆雷轟電烈妖氛盡掃再造三百唐業天眷文皇世德保延宗社固疑生賢哲壽考功名

重脩靈臺縣志

卷一

六

應九五預兆天孫傳談藥闕權奸煙銷草腐惟精忠不滅

舉頭紅日中宵懸照明月已令黃居中詩百戰功成日張

忠報主時卑騎堪定夔疋馬任馳驅勳績圖煙閣芳躋建

密祠寧知盟誓語洒洒話無私邑庠生楊泊次韵如見古

人蹟西原憶舊時勳名阿後笑國社我前驅霜冷何年地

苦封絕代祠祇今勒馬處日月昭無私閩人蔡士綺詩識

騎雲屯繞西原遺將功成天地掀當日誓盟皆萬歲至今

遺址誦難護闕後學蔡華聯詩占見大人蔡葛羅精騎躡

戰密須坡汾陽積有忠誠胆那使驕兵不倒戈

靈臺觀縣東一里面對白雲洞元清虛子建殿宇尚存元

學校官劉望之碑記附歌天子有靈臺有觀臺皆所以依

時登覽以占乾象之休咎考諸傳記經始靈臺當在豐鎬

之間今縣之得名歲月遠難可詳究得非文王之流風

遺化有在於是乎清虛子王公志謙字伯剛本縣名族器

量博而大丰采淳而和曳裾侯門聲實騰響乙未歲避世

秦亭捨儒歸道始求度於洞陽虛尊師後受業于洞真子

真人歲戊戌任持隴州佑德觀重脩全真堂時披雲宋天
師化衆饒道藏經板行緣關右使公爲之羽翼因任以校
經提點之職清和尹宗師西來祖慶謁拜未久言不有契
賜號清虛凡全真諸大師德座下無不參禮傳授道要是
以數年頰養頗得靜定力方議卜築爲菴義計適鄉里親
識以書堅請壬寅冬挈徒以歸桑梓擇地于縣之東有古
跡丘將軍祠址在其側遂斧荆榛與瓦礫鳩材庀工建王
清殿雲室齋寮等以爲瞻禮遊息之所請額于洞真師就
以縣名各之又得居民王思明孫汴等狀施觀南龍駕曲
地以爲瞻養之基縣西河曰筵溪自金以來前未有水利
公請郡鳩道正宋公運智極磨邑人莫不拘執誣說以爲
必不能行而沮之公與縣宰章資力倡其後竟月就緒瞻
道之資綽有裕焉迄今上下一川營水利者接踵而起皆
自此觀爲之張本有以見公才力過人歲已酉郡鳩脚王
公珪亦具疏請住清遠菴乃分徒重建通玄觀以爲別業
往來闡化遠近從風戶外之屢常滿公以道學一派自南
渡後百年中寂爾無聞思有以倡始而發明之會蜀道通
得語錄一編凡一百餘卷將板行于世方西遊以既謁于

重脩靈臺縣志

卷一

九

好事者時長安諸大老饒章盈軸以壯其舉志未遂而少
微之星殞平生知識無不淹涕僕與公志趣相合雖無陳
雷膠漆之俗情雅有箕穎山水之逸想蠅音比來惘惘失
措知心方外友王信卿悉僕與伯剛情好款密不察老耄
干鄙文以紀其事堅辭靡獲勉操觚爲誌頃未若夫觀
之名固因縣而得然靈臺二字實道家日用之先務營求
之人身中乃晝夜呼吸精明之所舍按黃庭內景經曰靈
臺盤固永不衰梁丘子曰心者靈臺也有神靈居之靜則
守一動則守神神全體安斯不衰竭矣又南華經曰萬惡
至者不可內于靈臺若是則學道之士其可滙更不務于
此乎是又洞真師撈觀之遺旨因繫之以辭曰筵溪之用
兮坦而平平達溪之小兮清而淵淵傍出觀宇兮羣飛而
冥天觀中之仙人兮安期羨門笑拍洪崖肩蓬萊弱水三
萬里焉知此地兮非閬風玄圃與芝田我老此身無着處
願借一菴寄華顛畫盤文懋有餘樂妙理透徹玄之玄固
原兵備副使豫章朱徽詩欲將別恨寫驪駒悵望斜陽一
延迂縣古桐清宜引鳳臺高露迥任飛鳥曾尋禹貢初經
賦因討周詩別有圖借使子來非此地自綠仙令得同呼

邑令黃居中詩至道窈冥伊誰建觀庭風雲變
月不留停神靜形無倚法玄境亦靈
名馨閩人蔡茂葵詩古觀邑同名清虛道已成天開丹壑
拱洞啓白雲生神頴閣中認玄機靜神明偶經此地過心
與綠
波平

靈臺辨

嘗攷靈臺歷唐虞夏商爲密須地越數千百年密須氏
不恭文王伐之遂爲周有益在文王爲西伯時詩曰經
始靈臺獨非其時耶按史古靈臺在今鄂縣夫密與鄂
去邠岐遙邇相若而密較近豈鄂實渭之南而密較
之北于遊覽爲較便耶安知非臺于密以示厭化

重修靈臺縣志

卷一

三

無斃耶志曰隋以安定鵠鰲祈置始曰靈臺唐如舊惟
後唐迄宋金元則廢之於明仍曰靈臺豈命名別有所
取歟抑王風在人以是誌不朽云夫隋與周不同執唐
宋以來未易更僕數而元王志謙以儒者流建觀宇曰
靈臺觀其非因隋之名可知矣得無亦有見歟且曰密
須曰鵠鰲曰陰盤曰陰密曰三龍曰良原名殊代更而
爲古聖先哲流風遺趾顯如此又烏知非當日密人佩
西伯之化而建臺以靈名哉士君子讀書懷古傳信傳
疑今蒼山之麓達溪之傍有臺故址尚存若贊之靈父

卷之十一 藝文志 楊溥識

重脩雲南縣志

卷一 畢

一

王